

## 四諦論卷第一

渭四

婆藪跋摩所造 陳三藏真諦譯

## 思擇品第一

般若遍諸法 大悲攝衆生 無相說正道  
 頂禮人天尊 大聖旛延論 言略義深廣  
 大德佛陀密 廣說言及義 有次第莊嚴

廣略義相稱

名理互相攝 故造中量論 我見兩論已  
 今則捨廣略 利益說受者

令正法久住

若人達四諦

四信處難動

不更視他面 永離四惡道

八等人天識

後必至苦際 故造四諦論

不由求慢等

緣起義多種 句味前後次

他難及救義

總別相應理 證義及譬喻

依此說四諦

願衆生知此 得天道涅槃

聖諦有四此言是經何因何緣佛世尊說如  
 此經云何聖諦有四不增不減云何聖義及  
 與諦義若以聖故名爲諦者前二不應名諦  
 若言聖家諦故名爲諦義則不定復有經說

諦唯是一無有第二云何四義而不破壞復  
 有經說一切行法是名爲苦故唯二諦四諦  
 義不成復次增一中說安立諸法從一至二  
 乃至衆多云何諦義獨不增一復次四相既  
 其不同云何一時而得竝觀復次四相婆羅  
 門諦及與聖諦有何差別持散偈曰

云何四聖諦 非諦不定境 唯二增竝觀  
 淨聖諦何別

云何諸佛於四諦中同有一意云何唯以四  
 諦爲諸佛上品正說云何同觀四諦爲境智  
 慧平等而果有差別云何阿羅漢於四諦中  
 智圓無餘不同諸佛得一切智若不同者於  
 四諦中應有無明若一切法四諦中攝勝奢  
 波葉譬經應須救解若不救解應有五諦若  
 無五諦餘法非諦若苦等四名聖諦者又說  
 一苦具足聖諦如是等經則不須說若四諦  
 智說名爲苦是義不然若知一諦亦知餘諦  
 者後說三諦則爲無用云何在先說於苦諦

若未說因先說果者何得不違十二緣生云  
何說滅諦後說道諦持散偈曰

一意上果異 一切智葉譬 四違一無用

先苦因緣滅

聖諦有四云何佛世尊說此經答有諸弟子  
應得聖道先在外道稟受邪法或事常行外

謂四

二

道或不住一處道護命道相違道老聲聞道  
思瞿曇道鳥翅衣道事水道辯髮道事火道  
裸形道等如是諸道各讚己法唯有我法真  
實無餘諱不相違無死爲果他法不爾聞此  
言已無決定智如是等法何者真實何者不  
實是諸弟子於諦非諦起無明惑爲顯實諦

是故大仙說如是經譬如有人爲僞瓔珞之  
所欺張令其得見真實瓔珞復次有諸別法  
說如此義若捨俗飾持沙門相住阿蘭若處  
行頭陀法值遇白法減捨財物守護慚羞登  
上戒車控制根馬磨練聞仗被服定鎧因此  
等行自謂我等是真沙門是諸人等起沙門

增上慢令其得見真實沙門故佛世尊說如  
是經爲顯此義爲通達四諦於聖法中成實  
沙門不由餘行如沙門經說若有如此具如  
經說實法門者由四諦觀故得成立不由世  
間修行究竟共得有流而名沙門如裸形偈說  
復次已免九難前佛已生其狀離因法以善  
根香薰習其心已長聖道資種意行俱淨應  
通達聖諦是勤行心爲令服聖諦智藥故佛  
世尊而說是經如可治病醫則施藥復次聞  
惡道苦最極難忍生厭怖心爲如此人顯不  
墮惡道因緣故說此經何以故八地獄中受  
生衆生六方火燄之所圍遶舉體洞然如融

謂四

三

金色其出入息皆是火燄受燒熱苦復有諸  
人飢食鐵丸渴飲銅汁或剉或斫或破或抽  
受種種苦有衆色狗及鐵觜鳥等之所噉食  
或受餓鬼生飢渴苦恒隨逼身咽如針孔恒  
欲食飲終無飽足渴行求水宿業所逼若近  
河邊便見河燥或見膿血臭尿臭穢遍滿值

華果樹變成空林如偈說言  
月炎如夏日 風觸如火燄  
履地如熱灰

是故餓鬼受苦最劇或生畜生道恒被籠繫  
斫破鞭打互相吞食更相疑畏心恒不安受  
如此苦或生修羅怨結慳惜慢觸犯受是等  
苦佛諸弟子聞諸惡道有如是苦畏自墮彼  
欲顯四諦知是見不是墮因緣故說此經如  
人應墮海底施以船筏令其得濟如經中說  
若有衆生於如是苦能如實見則得解脫四  
種惡道及生老病一切諸苦復次爲令衆生  
遠離五種邪欺誑語一能生衆惡二惡人受  
行三賢人遠離四能發起煩惱五欺誑爲體  
爲令他說利益衆生五分正語一自德相應  
三善人受行三生長善根四令離生死棘刺  
稠林五令至實樂離五邪言行五正語故說  
此經譬如令捨僞寶取真實寶如經中說莫  
說實邪惡言若僧聚集應行兩事一聖默然

二聖正法言復次有諸凡夫各自執著諸別  
異諦我執是實他執爲非由此執故互相關  
諍如生盲見象欲顯最勝無死關諍無更起  
無顛倒是聖諦智慧故說此經爲現此意執  
著斷常說我諸人互相關諍見四諦人則不  
如是了達真空故如佞性多柯經說復次依正  
師長住空閑處受頭陀行減損生具守護六  
根節量飲食初後夜覺樂一心聽如理思量  
正說及誦端坐寂定數息觀門由此因緣成  
熟相續心地靜細或聚動弱爲如是人令得  
通達故說此經如潤滑人施其利藥若真實  
義唯以智根名爲通達應知此根緣四聖諦

謂四是通達經此中應說復次爲破四惑顯兩方  
便故說此經如偈所說

生起滅離闇 種種諸邪執 六十二種見  
因果中無明 爲破此等惑 欲顯不動理  
及繫解脫緣 故佛說此經

復次梵等諸天仙等諸人婆利等脩羅道龍

等諸夜叉等神閻摩等護不見四聖諦故不出三界獄如蠶處繭迴轉六道猶如車輪漫走闇中墮深坑嶮受大燒熱若見四聖諦則破無明闇得智光明解脫四惡道則不仰觀諸道由是四聖諦真實無二無倒無諍能成如來出世勝用欲顯此義故說此經論主欲顯四諦義無與等者故說首盧柯

知外諦不離律理行勝負不能度生老死憂悲大海則此聖智人貪瞋引鬪諍免惡道勝法離過無染濁常行四等心衆苦所遍滿解脫三界獄聰慧求涅槃應須見聖諦

持散偈曰

弟子及沙門免難畏惡道過失與邪執

師尊破顯梵<sup>1</sup>

云何聖諦唯有四種不減不增答此問非問一切處如是無窮故復次身見斷見常見無

渭西

五

事見爲對治此四是故聖諦有四復次爲對治四倒故說四諦猶如四念處復次爲離四種邪執事故由一切衆生有四種邪執何者爲四謂果因解脫方便邪執一果邪執者我見念愛業所生陰界入等不淨臭穢猶如死狗三苦火隨燒無常金剛之所波壞我我所者使作者受者使受者之所遠離此中淨樂常我執是果邪執爲離此執故說苦聖說二因邪執者謂世主梵王自在人雙時自性定自然非因宿業亡尊曰宿藥地水火風隣虛空等此非因不平等因執爲生因是名因邪執爲離此執故說集諦三解脫邪執者歸五入毗紐體極入空至世俗住無苦上獨存離我德三定果暫捨永捨如是等執解脫者非定非永名解脫執爲破此執故說滅諦四方便邪執者謂遠離五塵飲食衣服卧具住處風水華菓根芽枝葉米麪油滓牛糞以此等物爲飲食故樹皮茅藤板編草青鹿皮用此

等物以爲衣服或復捨此地上並杵板刺灰聚卧此等上或首下脚上或隨向日熱炙身恒著濕衣恒住水中大行投巖赴火永沒水依時節業盡無因由此等行謂得涅槃是名方便邪執爲離此執故說道諦以事四故故說四諦猶如聖道復次爲分別希有法故聖諦有四何以故取陰是衆生依著處故說苦應知不可依著由貪愛故無有寂靜貪愛滅故則有寂滅苦滅者我慢寂滅心苦對治故由修道故無明寂滅道能對治無明故復次一切求解脫人滅苦得樂是其勝用滅苦云何由集滅故得樂由修道故聖諦有故復次經論師說若人觀見生死過失觀涅槃功德則入正定聚生死過失云何謂受生識起失此識起因即是貪愛涅槃功德云何謂識不起樂此識不起方便即是聖道故說四諦復次分別世出世因果故說四諦復次通達四種故復次依住四種故說四諦復次別相四

謂四

六

種故說四諦問聖義及諦義云何答聖義有八一自在若繫屬他則不自在名爲僕隸有名爲聖諸佛及弟子於心及法二處自在故名爲聖二免貪愛好如許自在人出家三聖種生故名爲聖人如生婆羅門種四於聖地生地者謂真實無生譬如生中國地五行離生死如婆羅門六不乘生死車如捨則無著七不更生故猶如陳種八恭敬應往以福德故猶如皇帝持散偈曰自在離貪奴 聖種聖地生 行離不乘車不生恭敬往諦義有七一不倒是諦義譬如火相二實有是諦義如經中說三無變異是諦義四無二行是諦義譬如樹提伽她耶達多行五不更起是諦義從此智不更起不同火輪智六不相違是諦義譬如業及聖戒七文義相稱是諦義何以故言著苦者必苦爲義由此七義名爲諦

汝問若以聖故名爲諦者前二不應名諦又若言聖家諦故名爲諦者義則不定者答諦是聖因能生聖故譬如梵住故名聖諦如經中說四足爲聖與義相應復次聖人所說故名聖諦如導師路如經中說若諸如來已正當說皆說四諦問若以聖說名聖諦者凡夫

謂七

七

亦說應名凡諦答承佛神力說故成立佛正教故非凡諦如舍利弗行因緣復次聖人故先所了故譬如仙藥復次聖人依真實是故名聖諦譬如世諦問凡人依不實義見應非聖非諦答無清淨眼則不能見譬如生育擇真似寶如醫眼人謬見多月凡夫醉狂不得見此譬如草頭百象復次智習論說以體聖故故說聖諦譬如烏蛇赤米復次經中說無上聖慧所照了故故說聖諦汝問復有經說諦唯是一無有第二云何四義而不破壞者答以無倒義故一品類異故四譬喻四倒復次由諦義故一譬如聖道事用異故四譬如

道分復次法相通故一譬如色相別故四譬喻四大復次無我平等故一無我者一切平等譬如同異復次無變異故依心解脫說諦唯一更無第二何以故苦等聖諦皆有變異如經中說一切有爲空虛是破壞法是一真實無壞心解脫如變異相應皆實不虛四義亦余是故聖諦有四汝問復有經說一切行法是名爲苦故唯二諦四義不成者答分別部說意一切有爲法無常故苦不由第一諦義故苦爲離此故於世尊所修清淨梵行是名苦諦復當廣說是故四義不壞復次三苦種說種經一切有爲分分攝有爲苦者說具足分如依苦苦說苦種苦根苦界苦受等依壞行苦說亦如是依一切受說苦若無當是苦故說一切有爲或依行苦說生起是苦諦唯是一無有第二云何四義而不破壞者有生是苦色生即是苦生或說是苦諦以種種意說苦是故皆不相違復次無變異故依涅槃說一切有爲苦苦由故苦相應故故

依四諦義不失汝問復次增一中說安立諸法從一至二乃至衆多云何諦義獨不增一者答義真實故無顛倒故佛說一切皆名爲諦雖一二三名爲增一諦無增一爲分別諦觀故說有四爲安立智及相故如四念處如前因緣成立四諦是義應知爲知聖諦故四

謂四八

知苦有因即得見法如經中說若人見十二緣生名爲見法通達出世十六相皆由見諦故繫屬因緣是無常義譬如鼓聲以難陀經爲證若無常是苦若苦是無我若無我是空若人知此則得見法通達十六相得滅惑離苦以是義故聖諦有四復次最上品故不共智境界故故無增一如問復次四相不同云何一時而得並觀者答由想故經中說修習無常想拔除一切貪愛是想境界即是苦諦一切貪愛即是集諦拔除即是滅諦無常想即是道諦以是義故雖四不同一時得見復次由思擇故如經言因無常等想思擇五陰

貪愛未生不得生已生則滅此中五陰即是苦諦貪愛即集諦不生及滅即是滅諦無常等思擇即是道諦以是義故一時得見四諦復次由觀失故如經云觀結處過失貪愛即滅結處即苦諦貪愛即集諦滅即滅諦過失觀即是道諦以是義故一時見諦復次一時見諦譬如火火者是可燒等物一時燒熟熟照觀者亦専害生靜出各各自相離滅證修同在一時復次譬如日日者是可乾等物謂水種闍華各各異相乾熟破開同在一時觀諦亦専復次譬如燈燈者是可燒等物謂炷油闍物各各異相燒乾破照皆是一時觀諦

謂四九

亦専復次譬如船船者是可到等不同相物謂彼此兩岸物流到離載斷皆在一時觀諦亦専分別部說若聚苦相觀達生滅心狀有爲修無願解脫門若觀有爲唯有生滅不見餘法修空解脫門若觀寂靜不見有爲及生滅相修無相解脫門此中苦相即是苦諦相

生是煩惱業即是集諦相滅即是滅諦是法能令心離相見無相即是道諦若見無爲法寂離生滅四義一時成異此無爲寂靜是名苦諦由除此故無爲法寂靜是名集諦無爲法即是滅諦能觀此寂靜及見無爲即是道諦以是義故四相雖別得一時觀後更思量故不廣說特散偈曰

相思擇過失 火日燈船譬 苦相脫門故一時觀四諦

汝問婆羅門諦及聖諦有何差別者答世尊真聖真婆羅門此諦故無差別譬如釋與天帝與復次婆羅門諦道諦所攝聖諦者道果

對治道境界所攝復次一向善是婆羅門諦善惡無記是聖諦復次唯道是婆羅門諦道果是名聖諦汝問云何諸佛於聖諦中同有一慧者答通達無餘法相平等故譬如淨眼觀色復次證見法故譬如火熱明此事世間一慧所共證故復次熟磨法鏡故諸佛通達

法界知此一切三世皆如現在譬如衆多水鏡月面影一持散偈曰

兩人一無異 道善果故異 無餘證見故法鏡故同慧

汝問云何唯以四諦爲諸佛上品正說者答能拔衆生度生死海譬如出世法復次諦中

最勝故譬如諦勝復次能攝一切諸法真實故猶如勝奢波葉譬復次梵釋等諸天不曾見故樂行健力毗搜細天等智足未履故智勤遠行諸外仙人所得故復次無分別智境界故若能知此一切功德之所莊嚴如舍利弗等及佛世尊復次義具足故由不共故此

謂四

十

說功德最勝是故四諦名上品正說汝問云何同觀四諦爲境故智慧平等而果有差別者答不由境同故智慧同譬如意定及貪欲等復次由智慧差別故果有差別譬由業差別如果有差別復次修道異故故得果不同譬

品故故得果不同汝問若阿羅漢於四諦中智同無餘與一切智則應無異若不然者於四諦中應有無明者答阿羅漢不知四諦外諸佛境界非是無明所以者何但有說故若阿羅漢不知四諦外言說非是無明如勝奢波葉譬經說復次佛世尊已波判故於苦等諦不知是名無明不知四諦外四皮陀皮陀分等不名無明復次正對諦智對治煩惱說名無明非是不知一切智者四種別說爲無明何以故自苦一分識相續各各異依約無始生死阿羅漢亦不能見是心如是已生由如此增上緣緣等及思惟等善惡無記等如是因所生緣所攝在此地跡位時中次復第二心次復中後心如此方法始自剎那羅婆牟休多日夜半月一月時節年數生變反滅自相續中阿羅漢亦不能見何況能見一切一切種自苦若自苦尚其不見何況能見他苦是故阿羅漢不能見一切智境界四諦

謂四

土

中摠別非是無明復次離四諦無明對治智境界外復有餘法在聲聞境界有阿羅漢亦不能見如舍利弗言我不見有人天能見知我入初定觀及稱量我今我退起唯簡世尊此寂定名乃至目連亦不能解是舍利弗所入所起乃至化度陀難蛇耶婆羅門及其外甥優婆低舍如定智慧辯說修習等他不能及如舍利弗迦葉波亦尔是故離四諦無明等對治是名非智非是無明汝問若一切法四諦中攝勝奢波葉譬經應須救解若不救解應有五諦若無五諦餘法非諦者答自然滅等不出諦外識境界故非所觀故云何非所觀若知此法不得流盡及苦盡故不離仰視外道面故非諸見不能動如帝釋幢若通達此不得稱爲微細通達如射破髮端不可遍行故是故不須修學復次餘論師說一切法由相故皆入諦攝雖然皮陀及皮陀分宿傳世本量判僧徒瑜伽寶廣論欲塵論禪世

師論醫方論相論等數論時智論默論鴟域論明論歌舞莊嚴論人舞論天舞論天仙王傳等論外道論常行外道等乃至九十六種復有草藥藤樹等皮根心華果葉等力熟德味等復有世間不可思議希有四大變異業果報等有論能分別此佛依此論說勝奢波葉譬如是等義不爲汝說不生功德故能起諸惑故增長有爲故是故不說譬如毒藥相憎藥反質呪幻化皮多羅論等以損惱他故佛所不說非爲四諦外故所以不說汝問若知一諦亦知餘諦說後三

苦具足聖諦與義相應若了義說者苦等是四種觀故若不如此唯有一觀名爲修習若取此經分別諸諦唯有一諦所謂道諦說無爲諦故是經非證此義依阿毗達磨及藏論故得成立汝問若知一諦亦知餘諦說後三

諦則爲無用者答我不說見苦諦即見餘諦我說一時見四諦一時離一時除一時得一時修故說餘諦非爲無用譬如說苦諦復有爲境界數量故如說道數量復次四中隨知一已即通餘諦如知一粒則通餘粒是故四諦並皆有用復次入觀門故觀取陰即離捨

是義不然答是經說智爲苦諦如境無分別故如說四量復次由境界安立故智得成立譬如六識復次由功能故智體唯一約能爲四如四正勤智亦如是復次四聖諦智爲總故於四諦觀說智爲勝由此義故說智如境復次欲顯決定出離是四諦功德故隨說一

謂四

十二

愛念如知怨家取陰者是苦諦愛念即集諦諦離捨即滅諦知是道諦依苦觀門其義如此知貪愛已即捨由此苦不生貪愛即集諦所貪愛即苦諦苦不生即滅諦知即道諦依集諦觀門如此知有爲寂滅已若人證此無明即滅有爲貪渴即寂靜有爲寂滅即是滅

諦此所離法即是苦諦無明貪愛即是集諦知即道諦依滅諦觀門如此知助道法即生修習煩惱障與其相違即捨由捨此故有更生助道者是道諦有即苦諦煩惱業即集諦捨此及有不生是即滅諦依道諦觀門如此由諸諦觀門故雖復觀一說於餘諦非爲無

謂四十三

用汝問云何在先說苦諦者答爲止息苦修四諦觀及出家住於梵行故先說苦復次生老死等衆苦無邊念念恒逼行人觀此求覓苦因譬如師子復次外緣不能治無始時節是根本病行人觀此求覓病因譬如醫師復次遍滿三界災橫疾惱行人觀此求覓其因如尋毒樹復次麤故失故厭惡依止故驚怖處所故先說苦汝問若未說因先說果者何得不違十二緣生者答生次第故十二緣生先因後果思擇次第故於四諦中先果後因是故二說皆不相違復次果中有迷緣因計果如經言若此有彼亦有由此生彼亦生

若因中有迷緣果計因如經言老死等有何法令有由此義故各有所破皆不相違逆順說故二說不同逆說緣生是名四諦是故不違十二緣生汝問云何先說滅諦後說道諦者答有二種義一順二逆如經中說戒清淨爲心清淨心清淨者爲慧清淨乃至解脫知見及明解脫是名順說逆說者解脫者以離欲爲緣離欲者厭惡爲緣厭惡者以實見爲緣乃至無憂海者以戒清淨爲緣

思擇品究竟

四諦論略說品第二

問四諦次第云何答

麤橫重結取 依道怖事果 痘火怨衣責渴毒逼害境

欲顯麤大境故說苦諦得苦相已此法何因生故說集此法盡何處次說滅此法因何得故次說道復次無始橫網是名苦橫根名集求離橫根是名爲滅能拔除者說名爲道復

次極重名苦執重名集捨名滅能滅執名道  
復次結處名苦是結名集結盡名滅觀過名  
道復次取亦如是復次依處名苦世間凡夫  
雖爲取陰所害猶起依著如依怨家謬爲親  
友依所安愛名集因此安愛住三有獄不求  
出離譬如狂囚無依愛名滅無方所依止故

謂四

十四

如瞿提經說能滅依愛名道觀依過故如觀  
燒屋復次六道名苦以無樂故猶如穢廁業  
煩惱名集爲道因故離道名滅無假名物故  
譬如火滅如鹿頭經說能引出諸道故名爲  
道如婆羅呵馬王經說復次怖畏名苦我愛  
名集無畏處名滅上實樂故運至無畏處名  
道復次作事名苦事因名集拔除事因名滅  
能拔名道復次似果名苦似種子名集似種  
子壞名滅似種子壞因名道復次苦如病集  
如病因滅如無病道如治病藥復次苦如火  
集如薪滅如火盡道如火盡因復次似怨名  
苦結恨名集除結恨名滅能除因名道復次

似衣名苦似塵名集塵淨名滅淨因名道復  
次苦如債集如貧滅如離貧道如財物復次  
苦如燒熱集如燒熱因滅如清涼道如涼具  
復次苦如毒發集諦如毒滅如離毒道如阿  
伽陀復次苦如逼惱集如能惱滅如離惱道  
如離惱因復次苦如殺害集如能害者滅如  
離殺道如離殺因復次苦境應集應除滅應  
得爲此三事故修聖道次第如此四諦體相  
云何偈曰

似真理足品 有爲相影識 虛妄一切三  
逼有等十二

有諸法師說真似二諦生者貪愛果故名爲

謂四

十五

真苦道者業果名爲似苦生因貪愛名爲真  
集牽六道業名爲似集生因愛盡名爲真滅  
六道因盡名爲似滅能滅生因正智名爲真  
道戒等方便能離道因說名似道又理足論  
師說識爲真苦與此相應色等亦名爲苦自  
愛名真集與此相應業等亦名爲集自愛盡

爲真滅由此盡故餘盡亦名爲滅正見名真道若此不生餘不至滅由此生故餘亦名道又假名部說諦有三種一苦品二品諦三聖諦苦品者謂五取陰苦品諦者逼惱爲相苦聖諦者是苦一味集品者謂貪愛集品諦者能生爲相集聖諦是集一味滅品者謂沙門果滅品諦者寂靜爲相滅聖諦者一味爲相道品者謂八分聖道道諦者真離爲相道聖諦者一味爲相又分別部說一切有爲皆苦由無常故非初諦故苦爲離此故於世尊所修淨梵行是苦聖諦一切因皆名集以能生故非第二諦故集爲斷此故於世尊所修淨梵行是集聖諦一切有爲寂離名滅由寂靜故非第三諦故滅爲證此滅於世尊所修淨梵行是滅聖諦一切善法皆是道能出離故非第四諦故道爲習此道於世尊所修淨梵行是名聖諦又說熱相爲煩惱煩惱及煩惱所起業名集若從此有名集聖諦有生名

苦聖諦如此從第二諦生第一諦若心捨離執相達無相界由此因故煩惱煩惱所起業斷由此斷故無復因緣有不更生此不更生名滅聖諦此法能令心捨離執相證無相界是正見等名滅道聖諦如執相餘影似虛妄分別等亦如是又分別論中說世尊不依一切苦假說苦諦若尔何爲爲顯無記果執取陰性體相故假說苦諦假說苦因法爲別離此故於世尊所修淨梵行是真苦諦不依一切因假說集諦假說集因法爲斷此故於世尊所假說集諦假說集因法爲斷此故於世尊所修淨梵行是真集諦不依一切滅假說滅諦

謂四十六

爲顯輪轉道斷性體相故假說滅諦假說滅因法爲證至故於世尊所修淨梵行是真滅諦不依一切道假說道諦爲顯能除惑道性體相故假說道諦因法爲修此故於世尊所修淨梵行是真道諦又藏論說略明苦有二種一與憎會二與愛離此二二處一身二心

因愛三種故則成三苦集諦有三愛見及業愛見二惑名爲後集由此已有業麤妙集滅諦有三一見一處惑滅二欲一處惑滅三有一處惑滅道諦有三一見道二修道三成守

道此三即三根復說苦者逼相集者生相滅者寂靜相道者能出離相復說苦者有相集

者能有相滅者離相道者能離相

分別苦諦品第三

何者爲苦諦略說如此已云何廣分別於苦聚中云何說生爲初云何爲生云何生相云何生事云何生緣生云何苦若生是苦三種樂生義則不成生之與起云何爲異阿羅漢五陰未滅云何說生已盡云何爲老云何老相云何老事云何老緣云何老苦齒落相等不皆遍有苦非不遍云何說老是苦聖諦有爲不住念念滅故云何有老持散偈曰分別初四生 苦三及差別 盡四老并苦齒落等念滅

謂四

云何爲病云何病相云何病事云何病緣云何病苦若由病故身恒苦者云何不違此偈無病第一利 知足爲勝財 無疑爲上親涅槃無比樂

若天道無病一切衆生以病爲法此言應救正道論說病爲業果是業果苦非苦聖諦佛說苦名爲病又偈說飢爲第一病如此二說云何爲異云何爲死云何死相云何死事云何死緣云何死苦放逸死破戒死生緣死此三何異又有覺無覺死有悔無悔死有放逸無放逸死有著無著死有調伏不調伏死少分調伏死其義云何五陰念念自滅他害等死云何得成云何爲怨憎會云何怨憎會相云何怨憎會事云何怨憎會緣云何怨憎會苦若怨憎類有聚會者永不相離此義應至事云何爲親愛離云何親愛離相云何親愛離即怨憎會少壯等離即親愛離更說怨憎會事即怨憎會少壯等離即親愛離更說怨憎會

離云何非重說耶云何所求不得云何求不得相云何求不得事云何求不得緣云何求不得苦欲塵即苦至得亦苦求之不得云何爲苦以何因緣求之不得云何略說五取陰爲苦略義云何諸陰何相陰有何義是色識等同有爲相云何說五陰與取陰云何爲異

云何說取陰爲苦陰不名苦陰者何義隨正見一苦已即通達苦諦何用廣說諸苦相耶經中亦說色樂亦在樂處若取陰是苦經則相違云何此經獨說略言餘經說色苦乃至識苦取陰復何因緣苦惱略義云何

汝問何者爲苦諦略說如此已云何廣分別者答有諸弟子樂略正教如舍利弗等開智受化是故略說有諸弟子樂聞廣說如難陀及弗迦婆等廣分別智故爲廣說得次有諸弟子因力最彊如大迦葉已增長善根故爲略說緣力弱者如莎提等未增長善根故爲廣說復次利根如鳩崛摩羅等故爲略說鈍

根受化如婬奴等故爲廣說復次多聞弟子如阿難等能持聞藏是故略說少聞弟子如周羅般陀等智慧鈍弱故廣分別說復次當聖言勝德如離婆多等數習內觀故爲略說未有聖言及勝德如闡那等未習內觀爲廣分別說

汝問於苦聚中云何說生爲初者答曰苦始故老病死等諸苦生爲最初譬如無悔等世出世法以戒爲初如是老病死等生爲足所故說生爲初不相離故復次由生能故若生已有老病死等能害身根心等譬如火若火已成則有燒熟照等非不有火生亦如此是故先說復次不相離故假使衆生得離老病波不離生以行苦故是受果故道所治故故先說生復次平等過失故一切衆生同受生害譬如有常殺鬼復次隨逐一切有分故生者遍無明等十二有分譬如有毒乳復次遍三界故生者遍三界如牛同異故先說生復次

苦根故生者根苦老病死等爲枝葉苦如經中說一切諸苦以生爲本以生爲因如經廣辨故先說生持散偈曰  
苦始能不離 等失隨有分 遍三界苦根是故先說生云何爲生者答偈言

謂四

十九

生五經等說 得陰初續心 生分與諸伴  
胎位及五種 評釋曰如經阿毗達磨藏論十二緣生等心思擇論中廣說生應知復次業增長品隨眠爲伴引接生因緣法聚集所得種種衆生處得陰入界等是名爲生復次臨續生時初識受生是名爲生如經說由識入故名色和合若說生次第識初起名生復次餘論師說生分初識與伴俱起是名爲生復次生有多種謂柯羅等胎位差別乃至出胎如受生經說復次生有五種如偈言  
得聖法名生 胎位姓家成 聚同異及有

唯有名爲生

釋曰得聖法名生如經中說已免奴位從我口生復次有已生聖法律中如鷲崛摩羅經說復次住胎位名生謂柯羅邏頸浮陀伽訶那等譬如種子芽莖枝等復次姓家成名生如金寶等刹利等生復次聚同異類名爲生形相有異謂人象馬等譬如婆羅多羅等樹復次有名爲生謂陰入界等有是名爲生如說有華有子等此論唯說有爲生何以故本故貪愛果故故言唯有名爲生  
云何爲生相云何爲生事云何爲生緣者答有顯是生相種種苦爲事業有爲生緣云何苦者答三苦火所燒故是愛生處非所愛樂非福行果聚同異類苦苦所燒所受生處是所愛樂是福行果聚同異類壞苦所燒所受生處不動行果聚同異類行苦所燒譬如野火燒繞大樹故說生苦復次衆苦所依故若有生者身心衆苦之所依集非不生時譬如

鹿苑衆仙所依復次陰入界等有顯名生處  
處生已斫破刺壁解拆分離墮失等苦平等  
隨生以無常怨不可遮故如王子境及以坏  
器故說生苦復次生者是諸苦藏憂悲惱生  
非苦根本老死因緣諸病發起痛入失類諸  
惡依止礙壞所踐疲極城門怨具庫府煩惱

謂四二十

續流此生是闇非燈可治深坑難出無火大  
燒是怨難覺是枉不疑是痛無藥是縛非繩  
棘林無道無有光火嬰兒讚嘆慧人毀訾樂  
有所愛諸佛菩薩引大悲因有學所離無學  
除盡諸佛自覺立名爲苦故說生爲苦復次  
胎位苦故臨受生時赤白和合有識來託受

應知三安樂生行苦所攝故是苦諦故苦所  
逼故苦衆多故故生是苦復次有福行果故  
異故爲安三界差別故爲顯有三受故由此  
福德果報樂 隨意得成就 速得最寂靜  
如願般涅槃

謂四 無常惡毒所雜故苦 如雜毒食雖具百味色

香觸好若有食者決得死報一切生死亦如  
是雜無常毒故說爲苦復次爲生時樂住時  
樂故說樂生此安樂生壞時苦故聖人默此  
壞苦如憎糞穢故說生苦生之與起云何爲  
異者答化生一名起餘三名生復次入胎名  
生出胎名起復次有分次第生名生一時具

苦如犯王法受諸拷楚故生爲苦臨出胎時  
其身柔軟如芭蕉心產門迮逼如壓油車受  
壓迮苦又初出胎時身如新瘡手水衣觸如  
熱灰灌如刀劍解受難忍苦故說生苦若生  
是苦三種樂生義則不成者答爲分別業報  
異故爲安三界差別故爲顯有三受故由此

生名起藏論中說生者屬識託胎種子故起  
者屬業能散置識諸道中故阿羅漢五陰未  
滅云何說生已盡者答有既滅故說生已盡  
復次因緣滅故此生無後生法故說生盡譬  
如由貪愛滅故說苦諦滅復次爲拔除生根  
本說已盡譬如樹已斷根故雖富華葉等  
亦說已滅生盡亦爾復次當來應盡故說生  
盡譬如山頂棄擲坏器雖未至地已說其破  
生盡亦爾故說羅漢生盡云何爲老者答少  
壯滅失次第度位四大衰損諸行變異身緩  
節疎色情麤醜諸根羸弱念識智行無所能  
爲歸向死門是名爲老復次微細過根遍入

軟滑悉皆失故現故壞相復次老有二種一  
依減失二能依減失一依減失者諸大血肉  
膏骨體等稍就減失由此減失得相似果謂  
走跳跨泅伸屈去來勤力擔負等並皆損失  
二能依減失者謂眼耳等根見聞等用皆不  
分明由不分明得相似果念智慧減心地勤  
力擔負等並皆損失如經及藏論十二緣生  
論中廣說是名爲老云何老相云何老事云  
何老緣者答減變熟壞故等名爲老相少壯  
損失軟滑去離憎惡事來名爲老事陰界入  
生是名老緣此老又爲憂悲等之處云何老  
苦者答此能生衆生憎惡相已奪可愛色勤  
謂四

廿二

力增智引就死王如犯王法禁伺劓刖付殺  
者處老亦如是故說老苦復次衆生辯言身  
力根能取持思量棄擲識及智力無間無瞬  
老日逼奪如熱時日解脫五翳盛光普照小  
坑淺水皆悉乾竭老亦如是故說老苦復次  
老者令身形醜陋能奪愛德除滅少壯及無

病樂勤力擔負念智忍門思識悉能損奪諸根羸弱無復勢用如羅刹女吸人精氣趣向死處故說老苦復次少身蓮華親心所愛色形端正悅他心眼爲老霹靂之所變異卷縮破壞自心不悅他人憎惡故說老苦復次能壞身根念智故說老苦由身壞故行住坐卧屈伸轉側等皆不自在由根壞故見聞觸嘗觸等皆不分明又有說言我聞不明還似嬰兒由念壞故更事不憶不了所說曾見不識本故說爲老猶如行相又跋私弗部說有爲諸法實有暫住此住有異是有爲相說名爲老如經中說此身得住百年或說有四識住以是義故說名爲老苦有爲法實念念減少壯壯不成亦無命根云何爲病者答曰身病不平等生長乖違不平等生長時說名身病若平等時說名無病如佛世尊因耆婆說如來身界今至平等復次自性更互相違不識恩養身界毒蛇觸忤名病復次病有二種一

渭四

身二心身病復有二種一因界相違名緣內起二因他逼觸名緣外起是身病者由名因處有差別故品類多種名差別者謂漏癩癰疽氣味腫癖瘧風狂等因差別者謂痰風膽及等分病或單或二或三或四如是痰等有六十二爲病家因處差別者謂頭眼耳喉心腹等是名身病若廣解者有四百四心病者因邪妄起謂憂煩等此病亦有二種一緣內境名內門惑二緣外爲境名外門惑由名因處有差別故品類多種名差別者謂貪瞋慢癡見疑詭曲欺誑等因差別者謂淨相失相有無等相爲心病因處差別者謂色等六塵如經說色愛乃至法愛此中所明但論身病不說心病云何病相云何病事云何病緣者答病者逼惱身爲相苦憂爲事本界不平等是緣云何病苦者答世間聰明人隨其自能欲有造作由疾病故並不成就違願故苦是故疾病能爲苦因如火爲燒因日爲光因老

死等亦爾爲苦因故苦復次能害本故故說病苦譬如蕉竹盧葦復次生痛受故能害命際令壽終故如火毒伏故說病苦復次苦苦

相爲老所損故說老苦此義佛在阿羅毗國  
優陀夷比丘依佛說偈

四諦論卷第一

七四

渭四